

UNIVERZITET U TUZLI
Broj: 01-159-JN-9/18
Tuzla, 15.01.2019. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-159-JN-8/18 od 09.01.2019. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

ODLUKU O IZBORU NAJPOVOLJNIJEG PONUDAČA

I

U okončanom otvorenom postupku javne nabavke videoprojektora za potrebe Univerziteta u Tuzli u cilju realizacije projekata odobrenih od strane Federalnog ministarstva nauke i obrazovanja i PRIHGRA izabran je ponuđač "Imtec" d.o.o. Sarajevo sa ponudnom cijenom od 13.130,91KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je nakon poređenja sa ponudom drugog kvalifikovanog ponuđača, u odnosu na zadani kriterij odabira „najniža cijena“, imala nižu ponudenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

Obrazloženje

Univerzitet u Tuzli pokrenuo je postupak za izbor najpovoljnijeg ponuđača za nabavku videoprojektora za potrebe Univerziteta u Tuzli u cilju realizacije projekata odobrenih od strane Federalnog ministarstva nauke i obrazovanja i PRIHGRA putem Otvorenog postupka javne nabavke broj: 01-159-JN-1/18 od 20.11.2018. godine objavljenom na Portalu javnih nabavki "E-nabavke" broj: 795-1-1-118-3-142/18 od 13.12.2018. godine, "Službenom glasniku BiH" broj: 91/18 od 21.12.2018. godine i WEB stranici Univerziteta. U ostavljenom roku ponudu su dostavila četiri ponuđača: "Neutrino" d.o.o. Tuzla, "Fractal" d.o.o. Žepče, "Robert's plus" d.o.o. Sarajevo i "Imtec" d.o.o. Sarajevo.

Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila slijedeće:

Ponuđač "Fractal" d.o.o. Žepče nije dostavio sadržaj ponude/popis dostavljenih dokumenta što je zahtijevano tačkom 4.1.a) Tenderske dokumentacije. Takođe, ovaj ponuđač nije popunio kolonu 3. i 6. Obrazca za cijenu ponude, a tenderskom dokumentacijom u tački 4.5. decidno je navedeno: "Ponuđači su dužni dostaviti popunjen obrazac za cijenu ponude za sve stavke koje su sadržane u obrazcu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena." Zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje, to je ovaj ponuđač ocijenjen nekvalifikovanim a njegova ponuda je odbijena kao neprihvatljiva.

Ponuđač "Robert's plus" d.o.o. Sarajevo za rezervnu lampu naveo je garanciju od 3 mjeseca a tenderskom dokumentacijom zahtijevana je garancija od 12 mjeseci. Zbog navedenog razloga ponuda ovog ponuđača je odbijena kao neprihvatljiva.

Ostali ponuđači dostavili su sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla.

Ponude kvalifikovanih ponuđača Komisija je pregledala i konstatovala da su iste prihvatljive te ih je poredila u odnosu na zadani kriterij odabira "najniža cijena" nakon čega je sačinila rang listu ponuda po povoljnosti kako slijedi:

1. "Imtec" d.o.o. Sarajevo
2. "Neutrino" d.o.o. Tuzla


Budući da ponuda ponuđača "Imtec" d.o.o. Sarajevo u svemu zadovoljava zahtjeve Univerziteta predviđene tenderskom dokumentacijom i ima najnižu ponuđenu cijenu Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta je prihvatio preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerzitet u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-159-JN-8/18 od 09.01.2018. godine

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE

Fuad Čergić, MA ekonomije